

藕益大师关于占察的法语

地藏占察入净土 2017-04-24



藕益大师(公元1599—1655年)，名智旭，号西有。明末四大高僧中最晚也是影响最大的，中国净土宗第九代祖师。

藕益大师关于占察的法语（部分） ■■■■

- 观音应十方世界，尤于五浊有缘。地藏游五浊娑婆，尤于三途悲重。如父母等爱诸子，而于幼者及无能者尤所钟情。

此《占察善恶业报经》，诚末世多障者之第一津梁也。坚净信菩萨殷勤致请，释迦牟尼佛珍重付嘱。三根普利，四悉咸周。无障不除，无疑不破。

三种轮相，全依理以成事，故可即事达理。二种观道，全即事而入理，未尝执理废事。又复详陈忏法，即取相即无生，初无歧指。开示称名，观法身观己身，顿同一致。乃至善安慰说，种种巧便，不违实理。

此二卷经，已收括一代时教之大纲，提挈性、相、禅宗之要领，曲尽佛祖为人之婆心矣！



- 是冬，有温陵徐雨海居士，向大师说占察妙典。大师遣人特往云栖请得书本。一展读之，悲欣交集。
- 窃玩占察善恶业报一经，原属释迦大圣彻底悲心，地藏菩萨格外方便。三种轮相，巧示业报因缘，无疑不决。二种观道，深明进趣方便，大乘可登。
- 末世欲得净戒，舍此占察轮相之法，更无别途。
- 此经诚末世救病神丹，不可不急流通。
- 佛乃广叹地藏功德，令其建立方便。于是以三种轮相，示善恶差别；以二种观道，归一实境界。仍诫业重之人，不得先修定慧，应依忏法，得清净已，然后修习二观，克获无难。此诚末世对症之神剂，而方便中之殊胜方便也。
- 虽辛勤修证，不登法忍。每一展读大士三经，辄不禁涕泗横流。悲昔日之无知，感大士之拯拔也。
- 敬宗《十轮》，并《占察》、《本愿》二典，述此仪法。庶几共涤先愆，克求后果，不终为无依行乎！未登无生正位，皆可修之，无论初心与久学也。
- 占察示一实境，则一大事因。示二种观，则一大事缘。愈信如来密因，菩萨万行，一门超出，无二无三，诚不我欺。每拈此义，点示未闻，随其根性，各获法喜。
- 予能知占察大旨，依经立忏，而未能自得轮相，人谁信之。此实说药不服，咎不在药也。良方良药，昭昭具在，地藏菩萨，决不我欺。我已知不服之咎，誓将服之。

- 末世行人，切须体会坚净信菩萨问法苦心，深究地藏大士立法本意。以真实不欺诳心，不忽略心，痛切为生死心，无上大菩提心，于此经中，开发正解，成就真修，得坚固信，不堕疑障。如或不然，遇饌不食，宝山空回，救世真士，大智开士，亦未如之何也矣！

【本文由“地藏占察法门账号”发布，2017年4月24日】

結緣 從這裏開始

占察净土一相逢，生活修行再不同。
两大愿王亲摄取，直登九莲出牢笼。



扫描二维码关注
地藏占察入净土道场

[点击“阅读原文”进入博客，](#)

[学习更多占察案例和师父开示](#)

